



SANCTISSIMI IN CHRISTO PATRIS,
ET DOMINI NOSTRI

BENEDICTI XIII.
PONT. MAX.

CONSTITUTIO
DE B. JOANNE A CRUCE
ORDINIS FRATRVM BEATÆ MARIÆ
Virginis à Monte Carmelo, qui Excalceati appellan-
tur, sanctorum Confessorum canoni per eundem
adscripto die xxvii. Decembris anni
MDCCXXVI.



ROMÆ MDCCXXVII.

Ex Typographia Rev. Camerae Apostolicae.



BENEDICTISSIMI IN CHRISTO PATRIS

DE DOMINI NOSTRI

BENEDICTI XIII.

PONT. MAX.

CONSTITUTIO

DE B. JOHANNIS A CRUCE

ORDINIS FRATRVM BEATÆ MARIÆ

Virgini & Montis Carmelo, qui hæc sunt appellationes

in hæc verba Constitutum eorum per venerandum

adventus die xxvii. Decembris anni

MDCCLXXVI.



ROMÆ MDCCLXXVI

Ex Typographia Rev. Cameræ Apollinaria

BENEDICTUS

EPISCOPVS

SERVVS SERUORVM DEI.

Ad perpetuam rei memoriam.



IA Mater Ecclesia præcipuis universalis honorificentia præconiis illos ornari decernit, qui olim sanctissimis disciplinis, & moribus eam illustrantes, divini nominis gloriam, & Deo famulantium numerum dictis, & factis augere, perque viam salutis decere summa cura studuerunt. Hujusmodi virum, Christianis virtutibus, cœlesti doctrina, jugi pœnitentia, multisque signis probatum Ecclesiæ Catholicæ dedit ea pars Hispaniæ Tarraconensis, cui Castellæ veteris nomen est, nosque illum hac die, in honorem Beati Joannis Apostoli, & Evangelistæ Deo sacra, Sanctorum Confessorum non Pontificum canonici, solemnium Sanctæ Romanæ Ecclesiæ cæremonia adnumerare decrevimus.

Is est Beatus Joannes à Cruce, Ordinis Fratrum Beatæ Mariæ Virginis à Monte Carmelo, qui Excalceati appellantur, primus professor, & parens, qui anno Christi Domini MDXLII. ex perhonestâ Jesepeia familia ortus est in oppido, quod dicitur Fons-Tiberii in Episcopatu Abulensi. A primis annis egregiæ animi dotes in eo, piæ, christianæque educato, plurimum emicuerunt; quamque dilectus, & charus esset Deiparæ Virgini, in cujus patrocinium confugerat, inde patuit, quod aquam è puteo haustusurus, in illum prolapsus, patronæ manu sublatus, incolumis prodiit. Adolescens, eximia pietatis ductu Metymnæ campi hospitem domum ingressus, ægrotantium, & pauperum famulatui se addixit, maxima charitate diu, noctuque languentibus assidens, nec modò spiritualia, sed ne vilissima quidem officia in iis juvando obire detrectans; unde factum, ut cæteri in nosocomio Christiana Joannis acta demirati, ægrotorum corporibus, animisque curandis certatim ejus exemplo alacrem, & sollicitam operam darent. Quidquid interim tam pio ministerio supererat, præclarus juvenis assiduis precibus, vigiliis, lachrymis, & Dominicæ Passionis religiosissimo animo recolendæ, impendebat: quæ tandem ipsi ad Fratrum Ordinis Beatæ Mariæ Virginis à Monte Carmelo Institutum incundum, jucundissimam viam aperuerunt. Hoc ita amplexus est, ut vota emissa purioris disciplinæ studio accuratè observaret, ad primitivi Ordinis normam se omnino conformans, nec nisi cum timore, & tremore, ac jussu majorum, ob summam rei divinæ præstantiam, ad sacratissimum Presbyteratus gradum evehctus.

Cum verò Dei Virgo Theresia, quæ postea, excelsis ejus virtutibus, signifiquæ flagrantibus, per felicis memoriæ antecessorem nostrum Gregorium Pa-

I.
Ecclesia solemniter honores illis decernit, quæ eam gestis suis illustraverunt.

II.
Beati Joannis à Cruce ortus, pietas, & vitæ institutio.

III.
Fit comes Beatæ Theresæ in Pri-

mæva disciplina
promovenda in-
ter Carmelitas.

pam XV. in sanctarum Virginum canonem relata est, inter sorores jam dicti Ordinis Beatæ Mariæ Virginis à Monte Carmelo primævi Instituti regulam feliciter exitu restituisse, idemque pro Fratribus ejusdem familiæ animo volutaret, Dei ancillæ magni operis comes Joannes à Cruce, strictioris disciplinæ promovendæ ardore vehementer accensus, planè cœlitus datus est. Quare tantæ rei negotio inter sacram Virginem, & Dei Famulum agitato, Ordo Fratrum Carmelitarum communi omnium bonorum plausu, licèt fremente humani generis hoste, mirificè instauratus, & per universam Europam non sine ingenti Dei gloria diffusus est, plurimis Theresæ Virginis cura, per totam Hispaniam erectis, atque optimè institutis cœnobiis, quæ ipse, nullis vitæ incommodis, & periculis terretus, singula perlustravit.

IV.

Beatus Joannes
multa pro Deo
passus, die, &
hora à se prædi-
ctis obit.

Vbi verò admiranda innocentia, assidua rerum divinarum contemplatione, asperrimo vitæ rigore, summisque virtutibus inclutus, suorum corda in perfectio Dei cultu unde quaque firmaverat, diro morbo, & in crure quinque plagis, sanie manantibus, patientissimè toleratis, totus in Deo, quem semper in corde, atque ore habuerat, fixus, sanctissimis Ecclesiæ Sacramentis summa fide, & religione susceptis, inter sodalium collachrymantium amplexus, Davidicè Psalmsi versiculo, *In manus tuas, Domine, commendo spiritum meum*, piissimè pronuntiato, die, & hora à se prædictis, in Vbedæ cœnobio, xix. Kal. Januariæ, anno salutis MDXCI. ætatis xlix. vitæ cœnobiticæ xix. purissimam efflavit animam vir, Deo percharus, dæmoni formidatus, animi lenitate, constantia in adversis, miraculorum, ac prophetiæ dono per totam Hispaniam illustris, inque mysticæ Theologiæ arcanis scripto explicandis, æquè ac Theresæ, divinitus instructus, quam, decreto S. R. E. nondum Beatis adnumeratam, ipse sodali suo, inter sanctas Dei Virgines, eo superstitute, referendam prænuñtiavit.

V.

Ut Sanctus agnoscitur, & Beatus adnumeratur.

Ad servi Dei exuvias, quasi odore perfusas, & postea corruptionis expertes, eundem veluti placido somno sopitum referentes, populi eas osculantis multitudo copiosa tumatim confluit, vestium, & ipsius etiam corpusculi particulas, venerationis instinctu, auferre conatur. Tanti viri, quem Theresæ, ut sanctum suspexerat, sanctique elogio compluries ornaverat, virtutum, & prodigiorum fama in dies percrebescente, gesta ejus maturo judicio venerabilium fratrum S. R. E. Cardinalium, sedente piæ recordationis decessore nostro Alexandro Papa VII. ad canonicos ritus discussa, & probata fuerunt, unde per similis memoriæ Clementis Papæ X. Apostolicas litteras, inter Beatos relatus est.

VI.

Solemni ritu inter Sanctos referatur.

Nobis deinde miraculis post solemnem Beatificationem, ob ejus merita à Deo patris, jussu Dei servi Innocentii Papæ XI. undique conquestis, & coram nobis ipsis per venerabiles fratres nostros in examen adductis, ac veteri disciplina, & majorum constitutionibus respondere per omnia compartis, inque tribus consistoriis, & plenario conventu eorumdem venerabilium fratrum nostrorum S. R. E. Cardinalium, atque etiam Patriarcharum, Archiepiscoporum, & Episcoporum nobiscum in urbe præsentium conventu, ritè perpensis, unanimi eorumdem sententia, per Sedis Apostolicæ Notarios coram nobis excepta, Regumque, ac Principum Christianorum, atque ipsius Ordinis Fratrum Excælcatorum Beatæ Mariæ Virginis à Monte Carmelo, cnixis precibus pro Beato Joanne à Cruce in sanctorum Confessorum non Pontificum canonem referendo

rendo Apostolica Sedi porrectis, post tantæ rei perficiendæ solemnem diem indictam, perque orationes, jejunia, & elemofynas Omnipotentis Dei opem ferventissimè imploratam, demùm univèrsis, quæ ex antecessorum nostrorum Romanorum Pontificum Constitutionibus, & Sanctæ Romanæ Ecclesiæ disciplina agenda erant, omni religione peractis, hac ipsa die in honorem Beati Joannis Apostoli, & Evangelistæ Deo sacra, una cum iisdem venerabilibus fratribus nostris S. R. E. Cardinalibus, Patriarchis, Archiepiscopis, & Episcopis, ac utriusque Cleri, & Populi frequentia, in sacrosanctam Basilicam Principis Apostolorum, Deo supplicantes convenimus, ubi semel, iterum, & tertio pro vivo Dei in sanctorum Confessorum non Pontificum canonem referendo precibus repetitis per venerabilem fratrem nostrum Laurentium S. R. E. Episcopum Cardinalem Tusculanum, Corfinum nuncupatum, post decantatas sacras orationes, & Spiritus Sancti gratiam humillimè invocatas, ad honorem sanctæ, & individuæ Trinitatis, Fidei Catholicæ exaltationem, & Christiani nominis incrementum, autoritate Omnipotentis Dei, Patris, Filii, & Spiritus Sancti, & Beatorum Apostolorum Petri, & Pauli, ac nostra, de eorundem venerabilium fratrum nostrorum Sanctæ Romanæ Ecclesiæ Cardinalium, Patriarcharum, Archiepiscoporum, & Episcoporum, nobiscum in plenario conventu Basilicæ Vaticanæ præsentium, consilio, & unanimi consensu, Beatum Joannem à Cruce Hispanum ex Ordine Fratrum Excalceatorum Beatæ Mariæ Virginis à Monte Carmelo, de cujus sanctitate, fidei sinceritate, & cæterarum virtutum, ac miraculorum excellentia plene constabat, & constat, unâ cum beatis perinde Confessoribus non Pontificibus, Peregrino à Foro-Livii, Ordinis Fratrum Servorum Beatæ Mariæ Virginis, & Francisco Solano, Ordinis Fratrum Minorum, qui à Regulari Observantia nuncupantur, Sanctum esse definivimus Sanctorum Confessorum non Pontificum canonem adscribendum decrevimus, prout præsentium tenore definimus, decernimus, & adscribimus, eundemque per univèrsos Christi fideles, tamquam verè Sanctum, honorari mandavimus, & mandamus, statuentes, ut ab universa Ecclesia in ejus honorem ædes sacræ, & altaria, in quibus incrementum sacrificium Deo offeratur, ædificari, & consecrari, & quotannis xix. Kal. Januariæ, quo die ad cœlestem patriam evolavit, ejus natalis, ut sancti Confessoris non Pontificis, festa solemnia, celebrari possint.

Insuper eadem autoritate omnibus Christi fidelibus verè pœnitentibus, & confessis, qui ejusdem diei natalis festo in memoriam Beati Joannis à Cruce quotannis ad sacras ejus exuvias venerandas accesserint, annum, & quadragenam; iis verò, qui in octava ejusdem festi, quadraginta dies de injunctis, seu quomolibet eis debitis pœnitentiis misericorditer in Domino relaxavimus, & relaxamus.

Postremò gratis Deo actis, quòd Ecclesiam suam insigni hoc, novoque luminari illustrare voluisset, cantata in honorem sanctorum Joannis à Cruce, Peregrini à Foro-Livii, & Francisci Solani, oratione solemni, in ara maxima supra confessionem Principis Apostolorum sacrosanctum Missæ sacrificium celebravimus cum ejusdem Confessoris non Pontificis, & cæterorum commemoratione, omnibusque Christi fidelibus tunc præsentibus plenariam omnium peccatorum indulgentiam concessimus.

VII.
Pontifex sacras ejus exuvias visitantibus peculias indulgentiæ concedit.

VIII.
Sacrosancti unius Missæ sacrificium in ejus honorem celebra-

IX.
Deus glorifican-
dus in sanctitate
Beati Joannis à
Cruce.

Decet igitur, ut pro tam peculiari, magnoque beneficio cœlitus nobis concesso omnes benedicamus, & glorificemus Deum Patrem, bonorum omnium auctorem, cui est honor, & gloria in sæcula, assiduis precibus ab eo flagitantes, ut per intercessionem electi sui Joannis à Cruce, indignationem suam à nostris peccatis avertens, ostendat nobis faciem misericordiæ suæ, immittatque timorem sui super gentes, quæ non cognoverunt eum, ut tandem cognoscant, quia non est alius Deus, nisi Deus noster.

X.
Hæ litteræ Apo-
stolicæ ubique fi-
dem obtineant.

Cæterum quia difficile foret, præsentibus nostras litteras ad singula loca, ad quæ opus esset, adferri, volumus, ut earum exemplis, etiam impressis, manu publici Notarii subscriptis, & sigillo alicujus personæ in dignitate Ecclesiastica constitutæ munitis, eadem ubique fides habeatur, quæ ipsi præsentibus haberetur, si essent exhibitæ, vel ostensæ.

XI.
Nemo eas infringere
audeant.

Nulli ergo omnino hominum liceat hanc paginam nostræ definitionis, decreti, adscriptionis, relationis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac beatorum Petri, & Pauli Apostolorum ejus se noverit incursum.

Datum Romæ apud Sanctum Petrum anno Incarnationis Dominicæ millesimo septingentesimo vigesimo sexto, vi. Kalendas Ianuarias, Pontificatus nostri anno tertio.

✠ *Ego Benedictus Catholica Ecclesia Episcopus.*



- ✠ Ego Franciscus Episcopus I. Ostiensis Cardinalis Barberinus.
- ✠ Ego Petrus Episcopus Sabinensis Cardinalis Otthobonus S. R. E. Viccancellarius.
- ✠ Ego Laurentius Episcopus Tusculanus Cardinalis Corfinus.

Ego

- * Ego Vicentius Tit. sancti Onuphrii Presbyter Cardinalis Petra.
- * Ego Prosper Tit. sancti Chryfogni Prebyter Cardinalis Marefufcus,
- * *
- * Ego Nicolaus Tit. sanct. Mariæ in Dominica Presbyter Cardinalis Coscia.
- * *
- * Ego Nicolaus Maria Tit. sanctorum Joannis, & Pauli Presbyter Cardinalis Lercarius.
- * Ego Frater Laurentius Tit. sancti Laurentii in Panc, & Perna Presbyter Cardinalis Cozza.
- * *
- * Ego Benedictus sanctæ Mariæ in Via lata Diaconus Cardinalis Pamphilius.
- * Ego Laurentius sanctæ Agathæ ad Montes Diaconus Cardinalis de Alteriis.
- * Ego Carolus sancti Angeli in Foro Piscium Diaconus Cardinalis Columna.
- * *
- * *
- * *
- * Ego Julius sancti Hadriani Diaconus Cardinalis Alberonus.
- * Ego Alexander sanctæ Mariæ in Cosmedin Diaconus Cardinalis Albanus.
- * Ego Alexander sanctæ Mariæ de Scala Diaconus Cardinalis Falconerius.
- * Ego Nicolaus sanctæ Mariæ ad Martyres Diaconus Cardinalis Judice.
- * *
- * *
- * *
- * *

P. Cardinalis Prodatarius:

Pro D. Cardinali Oliverio.

C. Archiepiscopus Emissenus

V I S A

De Curia J. Archiepiscopus Ancyranus:

L. Martinectus,

Registrata in Secretaria Brevium.